



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

XV. De libero arbitrio.

urn:nbn:de:hbz:466:1-15644

CLEMENS SENONENSE. CAROLVS V. IMP.
P. VII. FRANCISCVS I. R. FRANC. 643

ANNO
CHRISTI
1527. nis contuitum se colligit, vno obtutu sibi plura proponit,
quam diurna librorum euolutione comprehendenderet.
Non abs re igitur apostoli viuificam Crucem & sacras e-
rexerunt imagines: quæ cum ab initio nascentis ecclesiæ
debita semper ab orthodoxis veneratione colerentur, ni-
hil illis a sacrofancis quatuor vniuersalibus Conciliis de-
rogatum est. Quin & ab Augustino moribundis proponi
iubentur, & a Gregorio Magno, tum ad Richaredum,
tum ad Secundinum missæ leguntur. Et insurgentibus
tandem imaginum euersoribus Romani pontifices, Con-
stantinus, Gregorius secundus, & tertius, Paulus primus,
Stephanus tertius, & Hadrianus primus, tanta animi con-
stantia restitere, ut illi septima tandem apud Nicæam Sy-
nodo, concordi patrum assensu damnarentur: & Carolus
ille cognomento Magnus, Francorum rex Christianissi-
mus, Francofordiensi Conuentu eiusdem erroris sup-
pressorit insaniam, quam infelicissimus quidam Felix in
Gallias & Germaniam inuixerat. Quisquis igitur de Chri-
sti vel sanctorum imaginibus aliter senserit, is Christo &
sanctis iniurius cum Valdensibus pestiferam hæreseos la-
bem se nouerit incurrisse.

Damasce-
nus lib. 4.

Augustinus
lib. de viii-
tatione in-
firmorum.

Carolus
Magnus.

XV.

Etsi nulla pene sit tam aperta catholica veritas, nullus
tam manifestus sacræ scripturæ locus, quem non hæretici
suis cauillis & tergiuersationibus eludant, nulla tamen in
re tam impudenter tantaque rei Christianæ iactura de-
bacchati sunt, quam in exterminando profligandoque li-
bero arbitrio. Nam quid Christi fidelibus perniciosius ex-
cogitare potuit hostis ille veritatis, quam si vel a Pelagio
seduicti omnia sine præsidio gratiæ sibi tumidius arrogant,
vel fatiscenti pusilloque animo cum Vvicleffo necessita-
ti fatisque committant omnia? Nihil profecto reliquum
erit tum diuinis legibus, tum humanis; nullus consiliis aut
electioni, nullus precibus aut obiurgationi, ceterisque id
genus, locus: nulla denique iustitia futura est, qua qui-
busdam poenæ, quibusdam constituta sint præmia: si pro
Vvicleffi & Lutheranorum sententia omnia de necessi-
tate eueniant. Prodierat hic error primum apud Gentiles, sed summo omnium consensu mox explofus est: adeo
liberum esse arbitrium, velut euidenti quodam experi-

M m m iij

mento cognitum, omnium mentibus sese inculcat. Cum igitur reliquerit Deus hominem in manu consilii sui, apposueritque coram eo ignem & aquam, bonum & malum, vt ad quodcumque voluerit porrigat manum suam: nec abs re beatus ille dicatur qui potuit transgredi, & non est transgressus, facere mala, & non fecit: quod sub eo sit appetitus eius, & dominetur illius; ac denique per currenti sacram scripturam passim obuium sit, quod liberum in vtramuis partem hominis arbitrium asseueret: sati esse visum est sacro prouinciali Concilio libertatis huiusmodi vires & metas exponere. Neque enim liberum arbitrium afferentes, diuinam excludimus propterea gratiam; quod illi falso toties imponere non verentur, atque hoc fumo credulorum oculos perstringere. Sed iuxta sacram scripturam eo extendimus, vt voluntas humana misericordiae praeuenientis auxilio suffulta, & interiori quodam & occulto secretioris inspirationis afflata contacta, sese conuertat in Deum, Deo appropinquet, & ad veram illam gratiam se præparet, quæ tandem accepta sit ad vitam æternam. Neque tamen tanta gratia necessitas libero præjudicat arbitrio, cum illa semper sit in promptu, nec momentum quidem prætereat, in quo Deus non stet ad ostium, & pulset: cui si quis aperuerit ianuam, intrabit ad illum, & cœnabit cum illo. Nec denique tale sit huiusmodi trahentis Dei auxilium, cui resisti non possit. Quoties enim Dominus voluit congregare filios Ierusalem, sicut gallina congregat pullos suos sub alas, & noluerunt? Frustra certe Stephanus Iudæos duræ ceruicis & circumcisæ cordis argueret, qui semper Spiritui sancto resisterent. Frustra Paulus Thessalonicenses admoneret, Spiritum ne extinguerent, si diuinis inspirationibus homines ineuitabiliter raperentur. Trahit quidem Deus, sed in eius odorem currimus; non vi, non vnco raptamur. Prædestinat, elitit, vocat, sed eos demum adultos glorificat, qui in fide & caritate radicati per bona opera certam suam vocationem electionemque fecerint. Et licet attingat a fine usque ad finem fortiter, disponit tamen omnia suauiter. Hanc igitur hæresin, arbitrii libertatem prorsus auferentem, non tam damnamus, quippe quæ iam olim ab ecclesia & sacrosanctis Conciliis damnata sit,

ANNO CHRISTI 1527. quam communi hominum conceptioni & apertis scriptu-
ræ testimoniis declaramus esse contrariam.

XVI.

Frequens illud est apud imprudentes, & qui non tam animi moderatione, quam impetu feruntur, vt dum ab altero vitiorum incaute diffugiunt, in alterum prolabantur. Cuius rei Lutherus fidem facit, qui dum operum fiduciam nimis infectatur, nihil tandem operibus reliquum facit, atque ita vnius fidei patrocinium suscipit, vt solam agnoscat, opera reiiciat & condemnet. Verum si recte perpendantur quæ pro fide producit e scripturis testimonia, reliquas virtutes non excludunt. Quæ vero contra opera citat, ea omnia vel ad nimiam in operibus fiduciam vel ad legales ceremonias pertinent. Fide quidem viuimus, & sine hac impossibile est placere Deo. Si quis nihilo minus habuerit omnem fidem, ita vt montes transferat, caritatem autem non habuerit, nihil est. Fide iustificamur, sed & spe salui facti sumus. Et dimissa sunt Mariæ Magdalena peccata multa, quoniam dilexit multum: *Si Ioan. 14. quis enim, dicit Dominus, diligit me, sermonem meum seruabit, & Pater meus diligit eum, & ad eum veniemus, & mansio- nem apud eum faciemus. Nunc igitur manent fides, spes, caritas, 1. Cor. 13.*

tria hæc, maior autem horum est caritas, & in viuificantando iustificandoque potior: quandoquidem fides sine operibus mortua est. Tum demum utilis est ad salutem, cum per dilectionem operatur. At caritas non est otiosa, sed per bona opera satagit vt certam vocationem nostram elecioneque faciat. Non enim auditores legis iusti sunt apud Deum, sed factores legis iustificabuntur, dum ille reddet vnicuique iuxta opera sua, dum vnuquisque mercedem accipiet secundum laborem suum. Quandoquidem omnes nos manifestari oportet ante tribunal Christi, vt referat vnuquisque propria corporis, prout gessit, sive bonum sive malum. Vbi eos, qui a sinistris erunt, non solum increpabit Dominus, quia non crediderunt, sed quia operibus misericordiæ non vacarunt. Eos autem qui a dextris erunt, commendabit non tam a fide, quam a bonis operibus: opera enim illorum sequuntur illos. Talibus si quidem hostiis promeretur Deus, facietque tandem omnis misericordia locum vnicuique iuxta meritum operum